

歐北集

第十一冊

甌北集卷二十三

楚丙申正月
至丁酉六月

陽湖 趙翼 雲崧

門人費芸浦舊爲吾郡守余自黜歸君已丁外到
將去僅一握手而別今赴京補官在道過訪留
連信宿詩以贈行

薄俗師生久路塵感君枉過最情親桑麻滿郡思賢守

軒騎臨門艷里人佳茗淡存君子味

時以龍井
茶見餽

舊醅粗諒

腐儒貧赴銓倘再來茲土忍累猪肝餽部民

出處殊途酒一尊直直廬重感舊巢痕

余與君先後
入直軍機

久衰親髻

宜歸里未報

君恩望及門五稊已聞歌父老一莊敢便托兒孫京華

故友如相問歌咏昇平補素飧

宜齋聞心餘銜恤歸里悵然有作却寄

閒居數交游蔣詡我好友京華一錄別君歸我出守跡
同鴻爪散書但魚腹剖前年返江村寂寞歎寡偶聞君
客邦上竊幸得聚首君亦遣僕來開函筆如帚約我平
山堂一握開笑口是時宜乘興屢及室皇走無端意因
循謂近在腋肘早晚舟一葉可到隋隄柳因之遂蹉跎
忽忽兩年後今朝郵書至知君慘喪母煢煢銜恤歸計
日到江右吁嗟君遂遠不得更執手相距兩驛餘相思
十年久良會竟坐失此事實吾咎回憶作吏時奔馳氣
何赴動足有萬里豪褻宿春糗庸知歸田來懶過雞窠

叟遂令一面慳論交亦太苟君踪况無定詎侯卧林藪
剡溪訪恐虛飯顙逢安有此身未死日得復相見否婁
涼聽雨牀蕭索論文酒因風寄遙訊迴遍寸腸九

枕上

枕上得詩愁健忘披衣起寫殘燈光山妻竊笑老何苦
兒輩讀書無此忙

偶書

文人致青雲初以文爲媒才名日暴著積漸登三台及
夫官旣崇又須談幹濟幹濟乃空談何能立一事其文
亦遂墮久作敝屣棄一朝夜漏盡論定始可憐欲入文
苑內旣無文可傳編之列傳中敷演不成篇所以明眼

人見幾斷於內不能立勲業及早奉身退書有一卷傳
亦抵公卿貴

男兒生墮地例須一篇傳吾幸生太平毋煩節烈見庶
幾致卿相調元贊鈞衡廣厦庇寒士霖雨活蒼生一官
忽出守親身試繁劇從軍無奇功作吏無奇績始知天
下事不能任其責知難而亟退歸將文字補白首托一
編此意亦良苦

封侯想茅土作相覬劍履貪夫貪富貴務進不知止乃
其性所快兼爲才所使使皆爲達人看破夢泡理公卿
與將相亦且味如水乃知古達人實則庸人耳不能取
世緣聊復了一已吾旣安于庸敢以高自喜

園中卽事

天地有至文花鳥與山水當其生機妙巧畫弗能擬亦
必有解人乃不虛此美譬如得佳句孤吟空自喜偶逢
賞音讀清芬益滿紙化工日眼前觸處無非是可憐
雖氓熟視不覩此其有才智流又爲名利使倘無我輩
在蕭閒味其旨大塊亦寂寞歎世無知己

納涼

平池荷淨納涼時磅礴消他日影遲童子何知來問字
老親無事愛含飴西瓜腹有紅黃肉南棗身兼赤黑皮
此是田家好清福儘拋歲月逐兒嬉

晚步村落

鎮日書帷校勘勞出門不覺已秋高
水枯寒瀨膠魚艇木落空林露鳥巢
逝者如斯吾亦老喟然何歎物相遭
山妻頗解消憂法新釀鷺雉有濁醪

舟夜

寒戀重衾卧舟行何處溪孤燈殘
夢蝶落月滿村雞作客將衰矣懷人
正渺今檣聲將斷處已到草堂西

戲咏老少年

野質同藜莧長依六枳笆誰知老逾
少能以葉爲花點綴秋容澹飛騰暮景
斜由來後凋色不肯鬪春華

自是寒能健休嗤老尙童雞皮三少
候鶴頂百年功晚

照散餘綺衰顏發醉紅

蘇詩兒童誤喜朱顏在一笑那知是醉紅

西風黃葉裏暗慰

白頭翁

題秋岍開府高秋陟華圖

我聞太華山高五千仞，削成四方屹雄鎮。
地質境秘靈跡多，十丈蓮開露華潤。
巨靈久劈兩峽破，白帝曾觴百神覲。
叔卿博局留古臺，玉女洗盆映香髻。
希夷棗白刺筇青，仙之來兮弗轉瞬。
乃其仄徑號險絕，穿中衝中足難趲。
天井黝疑入，霄行鈎梯危過緣。
幢進窄逢峭壁擦耳頻，劣到懸崖容趾僅。
是惟羈單好奇客，或肯輕生躡孤峻。
可憐昌黎且眩慄，痛哭訣家手絨信。
何況滄溟強記遊，澁筆祇覺心膽震。
何哉畫戟來陝東，蓬瀛領袖中丞公。
是時欬臯秦地赤，村巫泥首乞土龍。
公也爲民虔。

請命精誠欲叩帝座通輿夫騶卒盡屏却手挽垂緇升
青穹茲山故是肥蠶宮蝕比禿髮魃更雄一朝竄伏不
敢出膚雲觸石布滿空始知公自有霖雨坐令華嶽作
岱宗斯須慰滿三農望神功仍歛無言中興來更踏層
椒隄一時賓從皆勝友共到青蓮呼吸處喜雨詩成趣
命酒已同坡老禱磻溪還比羊公登峴首張筵盤格藕
似船題名擘窠字如斗不須更說勤民意此段風流也
不朽憶昔相隨直禁廬探幽每趁扈從餘曾同立馬興
安嶺得句輒欲摩崖書卽今公起作岳牧老我屏跡甘
樵漁升沉敢復想追逐只餘攬勝心未除高秋陟華誰
所圖想見絲竹東山如何當重作陪遊客添我短策倒

騎驢

五十初度

里居在苒四經春忽作平頭五十人
去日已多行歎老
罷官未久敢言貧
味餘書卷消磨慣

恩在朝衫檢點頻
却愧半生辛苦力
祇供成就一閒身
抓蒲戢影守湖干
爲便親闈問燠寒
漫笑鳬眠常傍母
尙防蛙鬧或疑官
抱孫繡襦娛春永
禮佛香燈炳夜闌
一逕綠雲慈竹好
晚風時與報平安

中外班聯甘載叨
濫竽曾未報分毫
文慚力弱難扛鼎
政喜民淳早賣刀
屏跡自因經濟短
虛名敢托隱淪高
獨憐瓠落成何用
搔首徒驚逼二毛

朋酒茅簷話雨晴朝衫脫後一蒼生漫勞海內謗高尚
要向田間味太平犬足有釐忘夜吠牛胡無喘健春耕
老農見慣渾閒事誰識都從

帝力成

束髮攻書志決科奔馳榮利髯將幡徒謗謝事歸能早
回數當宮愧已多唱第五雲籠藥榜從軍千騎擁珂戈
而今總作浮漚看付與人間春夢婆
買得漁莊一畝宮閒攜竹杖挂詩筒十圍有樹參雲表
四面無隣在水中藤架青開錦步幃權籬紅作畫屏風
莫嗟老圃殊寒儉綠野平泉遜此工

羅雀門庭冷似冰却便老懶坐惜騰飢來驅我行焉往

詩可窮人去未能笑笑先生同調友閑閑居士在家僧
故交尙勉期功業慚愧疎慵已不勝

閒翻青史覽窮塵歷歷前聞觸緒頻一代文章誰作者
古來出處幾完人雕蟲祇與蟬供飽畫虎多爲狗寫真
不覺又增身世感摩挲髀肉暗傷神

除却親閭侍藥醫更餘何事足縈思輸官租稅完常厚
祭社牲牢宰不私妻妾無爭兒互乳弟兄垂老嚶同炊
家風豈敢誇顏柳或可垂爲子姓規

學佛求仙枉費功年來漸覺總成空歐陽但有詩三上
徐邈時於酒一中材不材間身可老味無味處句難工
海山幾率俱安在只合頭銜號長翁

去聲翁

自郡城歸

一葉扁舟映曉霞柴門將近落帆斜人疑舊雨來尋友
我與春風共到家蓬背白餘殘雪片船頭紅載小梅花
上元節物惟燈事畧與高堂賞歲華

春來

苔沒庭前屐齒痕流鶯喚我趁晴暄久無詩寫荒村景
尙有春來隱者門風動竹梧相揖讓花留蜂蝶作溫存
無人解處留儂賞此是天私處士恩

行園

一里漁塘路芒鞋日往還人嗤黃犢健我比白鷗閒有
屋惟茅屋無山壘土山垂楊皆手植綠已滿前灣

漫興

泥絮風情久不狂如何竿木又逢場阿難自是無禪定
不爲摩登呪力强誰把姻緣簿錯移落花偏向溷邊吹千金一笑猶難買
何福人間賣餅師莫訝相看意倍親徐娘也是過時人白頭詞客青裙婦
同感琵琶老大身燈光花影兩參差有酒如淮酌滿卮太息相逢吾已老
白家正擬放楊枝

張貞女詩

貞女上舍生金蘭女字邑諸生余清未嫁而清

卒女誓以身殉父母強慰之許令守節乃奔喪
成服撫夫兄之子爲嗣今已二十餘年爰爲作

歌

女未嫁不殉夫先王之禮弗可踰何哉張貞女奔喪矢
區區髻髻爲成服羸負爲立孤母乃轉昧從父義擅以
身許成其愚我思先王制禮但中正有其過之固弗禁
已嫁而守感於情未嫁而守發於性率性卽道道卽天
此語出自古賢聖君不見披葛丐挑柴翁未沾一命偏
効忠豈得議之爲過中卓哉張貞女奇節與古同

戲咏蛛網

蜘蛛爾本微偏具善知識結網挂簷端憑虛求日食初

若營大廈向背審南北爬沙去復來攀緣降又陟扼要
在立綱如柱必早植意取佔地高法貴引繩直潛抽乙
乙絲泄自尾閭黑於焉定間架次第功乃卽經先緯斯
後外濶內漸窄界畫羅盤痕圓規渾儀式入扣換廻文
先天圖太極宛宛旋螺紋團團磨牛迹循環無斷緒疎
密有定則勻豈粉線關巧賽錦機織鯢簾出鬼工絞綃
絕人力當空不成翳映日轉無色用以掩不虞誘物入
徽纒我思寥廓大千步嶂難囂區區設尉羅包絡能幾
尺細僅明鏡懸大亦車輪爪奚啻三面開安冀一目得
吞舟會當漏冥飛詎可弋庸知艾而張終資飽胸臆昧
者入吾網失足落茨棘義通釣不綱術用攘非奪譬彼

信天翁取給同塹畫或黏蠓蟻軀或冒蝶蜂翼觸簾玳
躑躅鑽紙蠅偪塞鷹隼難遠颺馬枚早被勒老蛛顧之
喜朶頤觀其亟危機汝自投弱肉我何剛爰果腹彭亨
不向牆隙匿傲然據中央端坐快偃息咄哉造化奇生
理信難測一物賦一技俾各食其力鵲有隱巢木鷦有
長冰石燕能忌戍已鼃能辨時刻避風者鷄鶻禁水者
灘渤鵠鳥爪禹步穴蛇出就廕豚木鷁壽符樹蠹起受
効由來謀生智固卽性之德獨怪蛛也靈福衷殊太嗇
滿腹蘊經綸不以供衿襖曷弗罄緒餘致用到服節衣
破堪及人黼黻更華國老蛛掉頭謝此事非我職不日
吐絲蠶狗人翻自貶帥復私一毛寧須美九哉甘在黜